



Na osnovu člana 48. Statuta Rudnika mrkog uglja "Kakanj" d.o.o. -Kakanj, Preporuke Komisije za javnu nabavku broj: 14-508-05/26 od 22.05.2026. godine po otvorenom postupku (OP: 14/26 - Nabavka usluga remonta uređaja u Ex izvedbi -- Usluge remonta mrežnih kontrolnika i automatskih telefona), člana 69. stav 2. tačka d), člana 70. i 71. Zakona o javnim nabavkama („Sl. glasnik BiH“, broj: 39/14, 47/14, 59/22, 50/24), direktor Iso Delibašić, dipl.ekonomista i prokurist Adi Hamidović, dipl.inž.maš., donijeli su

ODLUKU

o poništenju postupka javne nabavke

Član 1.

Poništava se postupak javne nabavke -- Nabavka usluga remonta uređaja u Ex izvedbi -- Usluge remonta mrežnih kontrolnika i automatskih telefona (OP: 14/26) objavljen na Portalu javnih nabavki pod brojem obavještenja o nabavci: 967-1-2-116-3-153/26 od 20.04.2026. godine, iz razloga što nijedna od primljenih ponuda nije prihvatljiva – član 69. stav (2) tačka d) Zakona o javnim nabavkama.

Član 2.

Odbacuje se ponude ponuđača "EKTRAN" d.o.o. Srebrenik kao nepravilna.
Odbacuje se ponude ponuđača "MULTITEH INŽINJERING" d.o.o. Zenica kao neprihvatljiva.

Član 3.

Za izvršenje ove odluke zadužuje se i ovlašćuje Služba za javne nabavke Rudnika mrkog uglja "Kakanj" d.o.o. -Kakanj.

Član 4.

Ova odluka objavit će se na web-stranici <http://www.rmukakanj.ba/> shodno članu 70. stav (6) Zakona o javnim nabavkama.

Član 5.

Ova odluka dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke, broj: 01-D-01-14-3714/26 od 14.04.2026. godine.

Vrijednost nabavke prema stavu Agencije za javne nabavke, broj: 04-02-1-9-183/23 od 27.01.2023. godine, prema kojoj će se utvrđivati prihvatljivost i neprihvatljivost ponuda prema članu 2. tačka l) ZJN, a koja predstavlja ukupan zbir proizvoda količina (1 komad) i jedinične cijene po svim stavkama i iznosi 30.000,00 KM bez PDV-a.

Obezbjedena sredstva za okvirni sporazum: 50.000,00 KM bez PDV-a.

Obavijest o nabavci, broj: 967-1-2-116-3-153/26, objavljena je na Portalu javnih nabavki dana 20.04.2026. godine.

Komisija za javnu nabavku je dana 22.05.2026. godine sačinila Zapisnik o ocjeni ponuda, broj: 14-506-05/26 od 22.05.2026. godine i Preporuku o poništenju postupka nabavke, broj: 14-508-05/26 od 22.05.2026. godine u postupku javne nabavke usluga -- Nabavka usluga remonta uređaja u Ex izvedbi -- Usluge remonta mrežnih kontrolnika i automatskih telefona.



U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dvije (2),
- da su blagovremeno zaprimljene dvije (2) ponude,
- da nije bilo neblagovremeno zaprimljenih ponuda,
- da nijedna od primljenih ponuda nije prihvatljiva.

Ponuda ponuđača "EKCRAN" d.o.o. Srebrenik je nepravilna iz razloga kako slijedi:

U Tehničkoj specifikaciji Tenderske dokumentacije navedeno je šta su ponuđači obavezni dostaviti u ponudi, pa je pod tačkom b) navedeno: „Dokaz o ispunjavanju uslova u oblasti rudarstva za obavljanje poslova održavanja, remonta i popravaka Ex uređaja izdat od strane Federalnog rudarskog, termo i elektro-energetskog inspektorata”.

Uvidom u ponudu ponuđača "EKCRAN" d.o.o. Srebrenik utvrđeno je da je isti u svojoj Ponudi dostavio Saglasnost za izvođenje radova montaže, demontaže i održavanja... (broj: 16-18-2-0190/2016-1606-3-P od 14.04.2016. godine), izdatu od strane Federalnog rudarskog, termo i elektroenergetskog inspektorata. Obzirom na činjenicu da je na snazi Pravilnik o uslovima za obavljanje rudarske djelatnosti („Službeni list FBiH", broj: 13/21), gdje je u članu 16. navedeno da: Ispunjenost uslova za obavljanje rudarske djelatnosti prema ovom Pravilniku provjerava nadležna inspekcija u postupku inspeksijskog nadzora odnosno nadležni organ utvrđen Zakonom o rudarstvu, pravna lica su bila dužna provesti navedeni inspeksijski nadzor po navedenom Pravilniku i, kao dokaz ispunjenosti uslova iz Tehničke sopecifikacije, dostaviti zapisnik o provedenom inspeksijskom nadzoru sa pozitivnim mišljenjem.

Kako u ponudi nije dostavljen navedeni zapisnik, odnosno ponuđač nije dokazao da ispunjava zahtjev postavljen u Tehničkoj specifikaciji Tenderske dokumentacije, ponuda ponuđača "EKCRAN" d.o.o. Srebrenik, u skladu sa odredbom člana 2. stav (1) i 3) Zakona o javnim nabavkama („Sl. glasnik BiH", broj 39/14, 47/14, 59/22, 50/24), ocjenjuje se kao nepravilna.

Ponuda ponuđača "MULTITEH INŽINJERING" d.o.o. Zenica je neprihvatljiva iz razloga kako slijedi:

Tačkom 1.5. Tenderske dokumentacije – Podaci o postupku javne nabavke, definisano je da je vrijednost nabavke prema stavu Agencije za javne nabavke, broj: 04-02-1-9-183/23 od 27.01.2023. godine, prema kojoj će se utvrđivati prihvatljivost i neprihvatljivost ponuda prema članu 2. tačka 1) ZJN, koja predstavlja ukupan zbir proizvoda količina (1 komad) i jedinične cijene po svim stavkama i iznosi 30.000,00 KM bez PDV-a.

Uvidom u ponudu ponuđača "MULTITEH INŽINJERING" d.o.o. Zenica utvrđeno je da je isti dao ponudu u ukupnom iznosu od 31.615,00 KM bez PDV-a.

Na osnovu naprijed utvrđenog činjeničnog stanja, ponuda ponuđača "MULTITEH INŽINJERING" d.o.o. Zenica se ocjenjuje kao neprihvatljiva.

Ugovorni organ NE primjenjuje preferencijalni tretman domaćeg (preferencijalni tretman cijene) iz člana 67. Zakona o javnim nabavkama.

Odluka o obaveznoj primjeni preferencijalnog tretmana domaćeg broj: VM 89/2020 od 29.05.2020. godine („Službeni glasnik BiH" broj: 34/20), donesena od strane Vijeća ministara Bosne i Hercegovine, prestala je sa važenjem dana 01.06.2021. godine.

S obzirom da Vijeće ministara Bosne i Hercegovine nije donijelo poseban podzakonski akt kojim se reguliše primjena preferencijalnog tretmana domaćeg, to prema članu 67. Zakona o javnim nabavkama, ne postoji pravni osnov za primjenu preferencijalnog tretmana domaćeg.

U postupku donošenja ove odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda, shodno kriterijima iz Tenderske dokumentacije.




U postupku ocjene provedenog postupka direktor nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javnu nabavku.

Komisija Ugovornog organa je, nakon pregleda i ocjene ponuda, predložila da se na osnovu člana 69. stav (2) tačka d) Zakona o javnim nabavkama postupak poništi.


Pouka o pravnom lijeku: Protiv ove odluke može se izjaviti žalba Rudniku mrkog uglja "Kakanj" d.o.o. -Kakanj, najkasnije u roku od 10 (deset) dana od dana prijema ove odluke.

Prokurist


Adi Hamidović, dipl.inž.maš.



Direktor


Iso Delibašić, dipl. ekonomista

Dostavljeno:
1x Direktor
1x Učesnici u postupku javne nabavke
1x a/a